

**BOSNA I HERCEGOVINA**  
*Konkurencijsko vijeće*



**БОСНА И ХЕРЦЕГОВИНА**  
*Конкуренијски савјет*

**Zaključak**  
**o nadoknadi troškova postupka**  
**na osnovu Rješenja br. 01-04-26-005-132-II/10 od 05.05.2011. godine**

**Sarajevo,**  
**juni, 2011. godine**



Broj: 01-04-26-005-143-II/10  
Sarajevo, 08.06.2011. godine

Na osnovu člana 42. stav (2) Zakona o konkurenciji („Službeni glasnik BiH“, br. 48/05, 76/07 i 80/09) i 105. st. (2) i (3) i člana 108. stav (4) Zakona o upravnom postupku („Službeni glasnik BiH“, br. 29/02, 12/04 i 88/07 i 93/09), i tačke II. Rješenja broj: 01-04-26-005-132-II/10 od dana 5. maja 2011. godine, donesenog po Zahtjevu za pokretanje postupka podnesenom od privrednog subjekta Radiotelevizija Bosne i Hercegovine, Bulevar Meše Selimovića 12, 71000 Sarajevo, Konkurencijsko vijeće, na 15. (petnaestoj) sjednici održanoj dana 08.06.2011. godine, je donijelo

### **Z A K L J U Č A K**

1. Prihvata se dio zahtjeva za nadoknadu troškova postupka podnesenog od privrednog subjekta OBN d.d., Humska 1, 71000 Sarajevo, u iznosu od 421,20 KM.
2. Prihvata se dio zahtjeva za nadoknadu troškova postupka podnesenog od privrednog subjekta Hayat TV, Jošanička 55, Vogošća, 71000 Sarajevo, u iznosu od 28,00 KM.
3. Prihvata se dio zahtjeva za nadoknadu troškova postupka podnesenog od privrednog subjekta Radiotelevizija Federacije BiH, Bulevar Meše Selimovića 12, 71000 Sarajevo, u iznosu od 639,65 KM.
4. Nalaže se privrednom subjektu Radiotelevizija Bosne i Hercegovine, da u roku od 15 (petnaest) dana od dostavljanja ovoga Zahtjeva izvrši uplatu troškova postupka, iz tačke 1., 2. i 3. dispozitiva istoga.
5. Ovaj Zaključak je konačan i bit će objavljen u «Službenom glasniku BiH», službenim glasilima entiteta i Brčko Distrikta Bosne i Hercegovine.

### **O b r a z l o ž e n j e**

Konkurencijsko vijeće je dana 22. februara 2010. godine brojem: 01-04-26-005-II/10, zaprimilo Zahtjev za pokretanje postupka (u daljem tekstu: Zahtjev) podnesen od privrednog subjekta Radiotelevizija Bosne i Hercegovine, Bulevar Meše Selimovića 12, 71000 Sarajevo, Bosna i Hercegovina (u daljem tekstu: Podnosilac zahtjeva ili BHTV) protiv privrednih subjekta Radiotelevizija Federacije BiH, Bulevar Meše Selimovića broj 12, 71000 Sarajevo (u daljem tekstu: FTV), Pink BH Company d.o.o., Trg solidarnosti 10, 71000 Sarajevo (u daljem tekstu: PINK BH), Mreža plus d.o.o., Ćemaluša 4, 71000 Sarajevo (u daljem tekstu: MREŽA), OBN d.d., Humska 1, Sarajevo (u daljem tekstu: OBN), Hayat TV, Jošanička 55, Vogošća, 71000 Sarajevo (u daljem tekstu: HAYAT TV), zbog utvrđivanja zabranjenog sporazuma iz člana 4. stav (1) tačke a), d) i e) i zloupotrebe dominantnog položaja, u smislu člana 10. Zakona o konkurenciji (u daljem tekstu: Zakon).

Nakon provedenog postupka Konkurencijsko vijeće na 13. (trinaestoj) sjednici održanoj dana 5. maja 2011. godine je donijelo Rješenje, broj: 01-04-26-005-132-II/10, kojim se odbija Zahtjev privrednog subjekta BHTV, protiv privrednih subjekta FTV, PINK BH, MREŽA,

OBN i HAYAT TV za utvrđivanje postojanja zabranjenog sporazuma, u smislu člana 4. stav (1) tačke a), d) i e) i zloupotrebe dominantnog položaja, u smislu člana 10. Zakona, kao neosnovan.

Konkurencijsko vijeće je utvrdilo u tački II predmetnog Rješenja da će o zahtjevu za nadoknadom troškova stranaka u postupku odlučiti naknadno donošenjem posebnog zaključka, u smislu člana 108. Zakona o upravnom postupku.

Konkurencijsko vijeće prilikom izračuna ukupnih troškova postupka, uzelo je u obzir odredbe Zakona o upravnom postupku („Službeni glasnik BiH“, br. 29/02, 12/04 i 88/07 i 93/09), Zakona o advokaturi („Službene novine Federacije BiH“, br. 40/02 i 18/05) i Tarifu o nagradama i naknadi troškova za rad advokata („Službene novine Federacije BiH“, br. 22/04 i 24/04) (u daljem tekstu: Tarifa).

Prema članu 105. stav (2) Zakona o upravnom postupku kada u postupku učestvuju dvije ili više stranaka sa suprotnim interesima, stranka koja je izazvala postupak, a na čiju je štetu postupak okončan, dužna je protivnoj stranci nadoknaditi opravdane troškove koji su toj stranci nastali učešćem u postupku.

Prema članu 105. stav (3) Zakona o upravnom postupku troškovi za pravno zastupanje nadoknađuju se samo u slučajevima kad je takvo zastupanje bilo nužno i opravdano.

U skladu sa članom 105. Zakona o upravnom postupku tokom usmene rasprave održane dana 27. januara 2011. godine stranke u postupku su pozvane da dostave svoje troškovnike.

Privredni subjekt OBN podnio je zahtjev u iznosu od 1.380,60 KM (podnesak broj: 01-04-26-005-59-II/10), i to za pripreme za raspravu u iznosu od 500,00 KM, pristup raspravi od dana 14. decembra 2010. godine u iznosu od 240,00 KM, i usmena rasprava od dana 27. januara 2011. godine u iznosu od 440,00 KM sa iznosom PDV-a od 200,60 KM.

Konkurencijsko vijeće je djelimično prihvatilo zahtjev za nadoknadu troškova postupka privrednom subjektu OBN u ukupnom iznosu od 421,20 KM, i to za pristup raspravi od dana 14. decembra 2010. godine u iznosu od 140,40 KM, usmena rasprava od dana 27. januara 2011. godine u iznosu od 280,80 KM.

Privredni subjekt HAYAT TV, podnio je zahtjev u iznosu od 1.290,40 KM (podnesak broj: 01-04-26-005-60-II/10), i to za utrošeno radno vrijeme u trajanju od 8 sati u vezi pripremanja dokumentacije u iznosu od 54,00 KM, podnesci advokata (podnesci od 28. oktobra 2010. godine i 23. decembra 2010. godine) u iznosu od 480,00 KM, kopiranje ugovora i utrošeno radno vrijeme za kopiranje u iznosu od 458,00 KM, ovjera tražene dokumentacije u iznosu od 28,00 KM i utrošeno radno vrijeme 17,00 KM, te utrošeno radno vrijeme radi učešća na usmenoj raspravi u iznosu od 253,00 KM.

Konkurencijsko vijeće je djelimično prihvatilo zahtjev za nadoknadom troškova postupka privrednog subjekta HAYAT TV u iznosu od 28,00 KM. U ostalom dijelu, zahtjev za troškove je odbijen i to za utrošeno radno vrijeme uposlenih u HAYAT TV, u skladu sa članom 109. stav (1) Zakona o upravnom postupku prema kojem nije predviđeno plaćanje troškova postupka za osobe koje ostvaruju zaradu na osnovu svog radnog odnosa, iznos za kopiranje ugovora, i podneseni zahtjev za plaćanje advokatskih troškova je odbijen, obzirom da je privredni subjekt HAYAT TV u postupku pred Konkurencijskim vijećem zastupao direktor društva i punomoć za advokata, u predmetnom postupku, nikada nije dostavljena Konkurencijskom vijeću, od strane privrednog subjekta HAYAT TV.

Privredni subjekt FTV podnijela je zahtjev u iznosu od 1.029,65 KM (podnesak broj: 01-04-26-005-62-II/10), i to za ovjeru prijepisa originalne isprave prema računu izdanom od notara

u iznosu od 480,87 KM, ovjeru prijepisa originalne isprave prema računu izanom od notara u iznosu od 8,78 KM, troškovnik advokatskih usluga za sastav odgovora na Zaključak o pokretanju postupka u iznosu od 240,00 KM, pristup na raspravu u iznosu od 240,00 KM i razmatranje i pregled spisa u iznosu od 60,00 KM.

Konkurencijsko vijeće je djelomično prihvatilo troškove privrednog subjekta FTV u ukupnom iznosu od 639,65 KM, što uključuje Ovjeru prijepisa originalne isprave, prema Računu br. 174/2010 od 27. decembra 2010. godine izdanog od strane Notara Sanja Ivić u iznosu od 480,87 KM, Ovjera prijepisa originalne isprave, prema Računu br. 175/2010. godine izdanog od strane Notara Sanja Ivić u iznosu od 8,78 KM, te za pristup raspravi od dana 14. decembra 2010. godine u iznosu od 120,00 KM, advokatici Adini Buzurović, i razmatranje i pregled spisa od 12. januara 2011. godine 30,00 KM, a sve u skladu sa Tarifom, a odbijeni su troškovi za naknadu troškova za sastav Ogovora na Zaključak o pokretanju postupka u iznosu od 240,00 KM budući da je isti dostavljen na službenom memorandunu privrednog subjekta FTV, kao i potpisan od strane direktora te stoga nije vidljivo da je sastavljen od strane advokata.

Privredni subjekt BHTV kao Podnosilac Zahtjeva, nije dostavio Konkurencijskom vijeću Zahtjev za nadoknadu troškova postupka. Također, stranke u postupku privredni subjekti PINK BH i MREŽA nisu podnijele zahtjev za nadoknadu troškova postupka, pa se o istim nije ni odlučivalo.

Budući da se radi o nužnim i opravdanim troškovima, u smislu člana 105. Zakona o upravnom postupku, privredni subjekt BHTV kao stranka na čiju štetu je isti okončan dužan je privrednim subjektima iz tačke 1., 2. i 3. dispozitiva nadoknaditi troškove postupka.

Slijedom navedenoga odlučeno je kao u dispozitivu ovoga Zaključka.

#### **Pouka o pravnom lijeku**

Protiv ovog Zaključka nije dopuštena žalba.

Nezadovoljna stranka može pokrenuti upravni spor pred Sudom Bosne i Hercegovine u roku od 30 dana od dana prijema, odnosno objavljivanja ovog Zaključka.

**Predsjednik**

**dr. Stjepo Pranjić**